



**VANJSKOTRGOVINSKA KOMORA BOSNE I HERCEGOVINE**  
**СПОЉНОТРГОВИНСКА КОМОРА БОСНЕ И ХЕРЦЕГОВИНЕ**

Sarajevo, 19.11.2018.

Broj: 06-06-264-2/18

**Predmet:** Poziv za učešće na edukaciji „Ekonomska diplomatija“ (Modul 2);  
Banja Luka, 04. i 05.12.2018. godine

Poštovani/a,

Vanjskotrgovinska komora Bosne i Hercegovine u saradnji s Agencijom za državnu službu BiH, Privrednom komorom RS, Predstavništvom fondacije Konrad Adenauer u BiH i nadležnim ministarstvima organizira drugi ciklus edukacije na temu „**Ekonomska diplomatija**“ (Modul 2), koja će se održati **04. i 05.12.2018. godine u Banja Luci** (Privredna komora RS, ulica Đure Daničića 1/II).

Ovaj program edukacije se realizira uz saglasnost Agencije za državnu službu BiH, koja je izvršila certificiranje Vanjskotrgovinske komore BiH kao izvođača obuke za navedenu temu. Prvi ciklus edukacije je uspješno realiziran u 2016. i 2017. godini u Sarajevu uz prisustvo više od 300 učesnika, a Modul 1 drugog ciklusa edukacije je organiziran 10. i 11.05.2018. godine u Banja Luci.

Cilj obuke je pružiti konkretne informacije i neophodna znanja predstavnicima bh. kompanija i državnim službenicima, kako bi što kvalitetnije obavljali svoj posao, a samim time dali doprinos unapređenju međunarodne ekonomske saradnje.

Pored ostalog, na obuci će biti riječi o osnovama i akterima ekonomske diplomatije, međunarodnim ekonomskim odnosima, pogodnostima bilateralnih sporazuma, konkurentnim prednostima privrede BiH, potencijalima za ekonomsku saradnju i investiranje, načinima međunarodne komunikacije, te osnovama ekonomskog pregovaranja što je *conditio sine qua non* za uspješno bavljenje poslom ekonomskog diplomate.

Edukacija je besplatna za sve učesnike koji blagovremeno dostave popunjen prijavni obrazac (prilog) na email adresu [mirza.konjo@komorabih.ba](mailto:mirza.konjo@komorabih.ba)

Krajnji rok za dostavljanje prijava je petak, 30.11. do 12:00 sati. Više informacija u vezi sa ovom edukacijom možete dobiti pozivom na broj telefona 033/566-204 (kontakt osoba je gdn. Mirza Konjo; Sektor za edukaciju VTK BiH).

U nadi da ćete se odazvati našem pozivu i svojim prisustvom uveličati realizaciju događaja, srdačno Vas pozdravljam i ostajem

S poštovanjem,



dr.sc. Elma Kovačević-Bajtal  
Direktorica

